

fecit à latere inferiori, & sepes magnas super eo fossato. Et finaliter Custodes ipsarum Rocharum eas voluntarie dederunt, salvis personis eorum & rebus, exceptis armis & balistis. Et eo Anno Leo de Aleardis fuit Potestas Cerete.

MCCL. Dominus Icerinus de Romano Dominus Verone, & Petrus de Formaniga exiens Potestas Verone fecerunt fieri foveam seu fossatum à Sancto Spiritu de Verona usque ad Insulam Comitum, seu de la Scala. Et eo Anno dictus Dominus Icerinus habuit Castrum, & Villam Montisilicis, eidem traditum per Dominum Piscem, & ejus filios, & eorum Amicos de Montisilice Districtu Padue. Et eo Anno dictus Dominus Icerinus, prima uxore defuncta, in uxorem accepit quandam filiam Domini Bontraversi.

MCCLI. Ugo de Sancta Juliana fuit Rector Verone, & Gilbertus, & Zavarisius fuerunt Rectores Cerete. Et Dominus Icerinus cum Populis Veronenis, Padue, & Vincentie, atque Tridenti ivit in Districtu Mantue in Terra Bruleti, & ibi stetit per XX dies; deinde ivit ad Terram Campitelli Districtus Mantue, & cepit Turrim seu Campanile dictae Terrae, & omnes homines, qui erant in dicta Turri, capti fuerunt, & totam villam Terram combussit, atque praedatus est. Et eodem Anno Mediolanenses cum eorum exercitu ex una parte erant in obsidione Civitatis Laudi, volentes eam, & Cremonenses cum eorum exercitu ex una parte erant in obsidione Civitatis Laudi & ipsi, & tamen posuerunt se in defensionem ipsius Civitatis.

Tandem Mediolanenses eam obtinuerunt, eo quod Cremonenses, & Papienses terga venterunt Mediolanensibus, & cum ipsis Cremonensibus erant Federicus de la Scala, & Rainerius de Insula, missi pro Ambasciatoribus Domini Icerini pro defensione ipsius Civitatis Laudi. Eodem Anno de Mense Octobris Conradus Rex Apulie, & Dominus Icerinus de Romano cum Populis Verone, Padue, & Vincentie cum magno exercitu, & multis exercitibus Theutonicorum, iverunt ultra Mentum ad Castrum Goidi Districtus Mantue, & ibi steterunt per XX dies ad parlamentum cum Cremonensibus, Papiensibus, Placentinis, & aliis Rectoribus Civitatum Lombardie cum complicibus Imperatoris. Et transactis XX diebus reversi fuerunt Veronam, & de presenti dictus Rex cum ejus comitiva per Portum Naonem cum navigio, & maximo apparatu transivit in Apulia. Et eo Anno Rainaldus Marchio Estensis existens carceratus in Apulia, mandato ipsius Regis venenatus est, & decessit.

MCCLII. Dominus Icerinus de Romano fecit capere Carnarolum de Monticulis, Visum de Beto, & ejus filium Pecorarium, Mantel, & ejus fratres, Petrum de Bonis, & ejus fratres, Joannem de Cendamo, & ejus filios, Florum de Verla, & ejus fratres, Albertum de Bebege, & Bastardum ejus, & Henricum Notarium de Panzeria, fratres de Cacetis, Andriolum Notarium, & plures alios de Verona, & cum eis Ugonem de Sancta Juliana cum multis Paduanis; & de mandato ipsius Domini Icerini condemnati fuerunt omnes praedicti per Dominum Bonutium Judicem de Cereta, & trinati per Civitatem Verone, deinde decapitati in Mercato Verone de men-

se Millefimi praedicti.

MCCLIII. Richardus Comes Sancti Bonifacii obiit in Civitate Brixie in Domino Fratrum Praedicatorum de mense Februarii. Et eo Anno Bozacinus de Padua, & Albertus Matogonus fuerunt Vicarii Verone, & Gilbertus, & Zavarisius de Zavarisius fuerunt Rectores Cerete. Et eo Anno de mense Augusti ivit dictus Comes Nogariam, & Gironem ipsius ex toto combussit.

MCCLIV. Dominus Icerinus fecit capere Taxium de Castro rupto, Thomasinum de Grezana, Thomasinum de Ocha, Menapacem, Leonem, Aleardinum fratres de Messa, Firmum de Cereta, & Federicum ejus filium, Thomasinum Suppicognam, & alios multos de Verona, & eos fecit trinari per Civitatem Verone, & in Mercato Verone eos fecit interfici & comburi.

MCCLV. De mense Aprilis Dominus Icerinus fecit capere Ziramontem de Romano ejus fratrem, & ipsum in vinculis ferreis duci fecit, & includi in Castro Semontis; deinde conduci fecit in carceribus Communis Verone, & ibidem mortuus est. Et eo Anno misit Icerinum de Regna captum in Marchia. Et eo Anno quidam miles de Apulia existens Potestas Tridenti pro Domino Icerino, una cum Azone, & Aldrigeto de Castro Barco, & cum aliis Civibus Tridentinis, acceperunt Civitatem & Castra Tridenti in se contra Dominum Icerinum.

MCCLVI. Bonifacius de Marostiga, & Compagnus de Padua fuerunt Rectores Verone, & Frassapaya de Ponti fuit Potestas Cerete. Et eo Anno Dominus Icerinus cum Populis Verone, Padue, Vincentie, Tridenti, & Feltri, & cum omnibus ejus amicis undique convocatis, cum magno exercitu ivit ultra Mentum pene Civitatem Mantue ante Portam ipsius Civitatis à latere versus fero; & ibidem stetit per mensem de mense Junii dando guasta continua in villis Mantue de vineis, arboribus, bladis, broilis, & domibus eorumdem. Et ea vice Dominus Palavsinus Marchio existens Potestas Cremonae cum Cremonensibus venit in eo exercitu in auxilio dicti Domini Icerini. Et eo Anno quidam Delegatus Domini Pape cum copia soldatorum Ecclesie Romane, & maxima turba Paliferorum Venetorum, Bononensium, Mantuanorum, Marchie, & aliarum partium iverunt Paduam, & eam Civitatem ceperunt, & Castrum ejusdem Civitatis. Et Dominus Ansedius nepos dicti Domini Icerini, qui erat in Civitate Padue Vicarius pro ipso Domino Icerino, & Albergerius de Vivario, qui erat cum eo, Vincentiam aufugerunt solummodo cum personis eorum, ipsi Delegatus Domini Pape Civitate Paduana cum omnibus Castris suis relicta, vel relictis, exceptis Montisilicis, & Calaniti, quae diu steterunt, & se defenderunt. Statim Marchio Estensis, circa ipsas Rochas custodes in obsidionem misit, ne in dictis Rochis victualia mitterentur. Et finaliter dictus Marchio dictas Rochas obtinuit. Et statim ea vice dictus Dominus Icerinus fecit detineri in Verona omnes Paduanos, qui erant in Verona, & in exercitu cum eo circa Mantuam, & in carceribus positi sunt in Sancto Georgio de Verona, & ibidem mortui sunt omnes. Et transactis XV. diebus dictus Dominus Icerinus cum magno exercitu & ap-

V Et eo anno Petrus de Bovo fuit potestas Cerete.

< > volentes ipsam civitatem Laudi defendere et finaliter Mediolanenses ipsam civitatem cum victoria intraverunt propter quod Cremonenses et Papienses cum eis ob timorem Mediolanensium per XV militaria breuga dare coacti sunt.

MCCL

V flumen

cum plicibus imperatoribus

ps

< > om.

< > veneno mortuus est.

V Ugo de sancta Juliana fuit rector Verone, Gilbertus Zavarisius de Zavarisius fuerunt rectores Cerete. Et

Cacetam et Panzeriam

< > om.